




Ս. ՍՏԵՓԱՆՈՍԻ ՏՈՆԸ ԵՎ ՍԱՐԿԱՎԱԳԱԿԱՆ ԶԵՌՆԱԴՐՈՒԹՅՈՒՆ ՄԱՅՐ ՏԱՃԱՐՈՒՄ

Ս. Ստեփանոսը Քրիստոսի փառավոր ու անթառամ գործի համար նահատակված առաջին մարտիրոսն է: Նրա կյանքի և գործունեության մասին խոսվում է «Գործք առաքելոց»-ի Զ-Է գլուխներում:

Երբ Երուսաղեմի քրիստոնյա առաջին համայնքի մեջ հավատացյալների թիվը սկսեց աճել, անհրաժեշտություն զգացվեց 12 առաքյալների կողքին ընտրել 7 սարկավագներ, որպեսզի առաքյալները նվիրվեն Աստուծո խոսքի քարոզությանն սրբազան գործին, իսկ 7 սարկավագներն աղքատներին նպաստ բաժանեն, որքերին և այլքին իրենց հոգատարությունն ցույց տան և սուրբ Սեղանին պատարկություն անեն:

Այս բնորված 7 անձինք եկեղեցու մեջ ճանաչվեցին «սարկավագ» անունով: «Սարկավագ» բառը նշանակում է օգնական, գործակից, սպասավոր:

Սարկավագները, բացի վերոհիշյալ պարտականությունները կատարելուց, գրադվում էին նաև քարոզչությանը:

Այսպես, Ստեփանոս սարկավագը «շքնորհներով և զորությամբ լեցված մարդ, ժողովրդի մեջ զարմանալի գործեր և մեծամեծ նշաններ էր անում» (Գործք Զ 8): Հատկապես նշանավոր են նրա վիճաբանությունները լիբիացիների, կյուրենացիների և ալեքսանդրիացիների ժողովարանների անդամների ու կիլիկեցի և ասիացի հրեաների հետ (Գործք Զ 9):

Հրեա կրոնական առյուծակր և Ստեփանոսին, իր քարոզչությունների համար, մահվան է դատապարտում:

Եվ այն պահին, երբ սուրբն իր հոգին էր ավանդում, միայն աղոթում էր. «Տեր, սա մեղք մի համարիր դրանց» (Գործք Է 59):

Այս սուրբ, ազատամիտ ու ներողամիտ անձնավորությունն իր հերոսական նահատակությամբ մեծագույն դաս է հանդիսացել հետագա սերունդների համար:

Ս. Ստեփանոսի տոնը, սակայն, ավանդաբար մեր վանքերում և եկեղեցիներում համարվում է մասնավոր տոնը սարկավագների և դպրեվանքի ուսանողների:

Այս տարի նույնպես ս. Ստեփանոսի տոնը մեծ հանդիսավորությամբ է տոնվում Մայր Աթոռում:

Դեկտեմբերի 24-ին, չորեքշաբթի օրը, երեկոյան, Մայր Աթոռի ողջ միաբանությունն ու հոգևոր ճեմարանի ուսանողությունը մասնակցում են նախատոնակին, որը կատարվում է տաճարի հյուսիսային թևում գտնվող ս. Ստեփանոսի խորանի առաջ:

Հավարտ նախատոնակի արարողության Մայր տաճարի լուսարարապետ տ. Հուսիկ եպս. Սանթրուրյանը դպրության 4 աստիճաններ է տալիս Գ. դասարանի 8 ուսանողների, ուրաք կրելու իրավունք՝ Բ լսարանի ուսանողներ Բյուզանդ Գալայճյանին, Գրիգոր Հաճյանին, և կիսաառկավագական աստիճան՝ Բ լսարանի 7 ուսանողների:

Դեկտեմբերի 25-ին, հինգշաբթի օրը, առավոտյան, Մայր տաճարում պաշտվում է ժամերգություն: Հնչում են օրվա սրբին նվիրված «Նահատակ բարի Քրիստոսի», «Այսօր դասք» և «Ընդ երկնայնոց» շարականները:

«Փառք ի քարձունս»-ի ժամանակ Մայր Աթոռի սարկավագները, աղավարտ ի գլուխ, բուրվառներով և տապանակներով, գույգ-գույգ դուրս են գալիս ավանդատնից,

բառ ավագության շարվում և Ստեփանոսի խորանի առջև։ Ս. արարողությունը շարունակվում է մինչև ավարտ։

Ժամը 10.30-ին սկսվում է և պատարագը, որը մատուցում է հոգևոր ճեմարանի տեսուչ տ. Հովհաննես ավագ քին։ Մարությանը։

Ս. պատարագի սկզբում Մայր տաճարի լուսարարապետ տ. Հուսիկ եպս. Սանթրոյանը կատարում է Բ լսարանի 7 ուսանող սարկավագների ձեռնադրությունը։

Խարտավիլակի պաշտոնը կատարում է տ. Մարիս վրդ. Գալստյանը։

Հավարտ և պատարագի նորրևմա սարկավագներին ջերմ սիրով ընդունում է Ամենայն Հայոց Վեհափառ Հայրապետը։ Նորին Սրբությունը, մասնավոր ջերմությամբ շնորհավորելով Իր հոգևոր զավակներին, խրատում է նրանց՝ լինել և Ստեփանոսի նման հավատարիմ սպասավորները Աստուծո և Սեդանի, և օրհնում նրանց կատարած սրբազան ուխտը։

Ժամը 15-ին միաբանական սեղանատանը տրվում է ճաշկերույթ՝ ի պատիվ Մայր Աթոռի սարկավագների։

Ճաշկերույթին ներկա են լինում Մայր



Լուսարարապետ տ. Հուսիկ եպս. Սանթրոյանը, հոգևոր ճեմարանի տեսուչ տ. Հովհաննես ավագ քին. Մարությանը և նորրևմա սարկավագները ձեռնադրությունից հետո

Ձեռնադրության ավարտին նորրևմա սարկավագներին ուղղված խրատական խոսքով հոգեշունչ քարոզ է խոսում տ. Հուսիկ եպս. Սանթրոյանը՝ «Եթե ոչ ցորենույ անկեալ յերկիր մեռանիցի, ինչն միայն կա, ապա եթե մեռանիցի, բազում արդիւն առնէ»՝ նրանց մաղթելով լինել հարազատ զավակները Հայաստանյայց եկեղեցու և ս. Էջմիածնի ու իրենց նվիրումով նմանվել ս. Ստեփանոս նախավկային, որպեսզի միշտ լինեն «մշակք ստանց անօթոյ»։

Աթոռի միաբանությունը, հոգևոր ճեմարանի դասախոսությունը և ուսանողությունը։

Նորրևմա սարկավագներին ուղղված ողջույնի և շնորհավորության խոսք են ասում Մայր Աթոռի միաբան տ. Թորգոմ արդ. Մուշեղյանը և հոգևոր ճեմարանի դասախոս Սարգիս արկ. Սարգսյանը։

Հանուն սարկավագության Նորին Սրբությանը և ներկաներին ուղղված շնորհակալական խոսք է ասում Աղասի արկ. Բարուչյանը։

Մայր Աթոռում կատարված այս սարկա-

վագների ձեռնադրությամբ հայ եկեղեցու սպասավորության կանչված բնօրինակների հավերժական աշակերտության ոսկե շղթայի վրա ավելանում է ևս 7 նոր օղակ:

«Էջմիածին» ամսագրի խմբագրությունը ջերմորեն շնորհավորում է նորընծա սարկավագներին, գնահատում նրանց նվիրումի և զոհողության ոգին և բարեմաղթում նրանց պայծառ ու արդյունավետ գործունեություն՝ ի պայծառություն Հայաստանյայց ատարելական ս. եկեղեցու և Մայր Աթոռ ս. Էջմիածնի:

Կիրակոս սրկ. Հովնանյան.—Ծնվել է 1953 թ. Երևանում: Ավարտել է տեղի № 79 դպրոցի 8-րդ դասարանը: 1969 թ. բնդունվել է հոգևոր ճեմարան:

Լևոն սրկ. Բաղդասարյան.—Ծնվել է 1956 թ. Երևանում: Ավարտել է տեղի № 44 միջնակարգ դպրոցի 8-րդ դասարանը: 1970 թ. բնդունվել է հոգևոր ճեմարան:

Արծրուն սրկ. Ավետիսյան.—Ծնվել է 1956 թ. Երևանում: Ավարտել է տեղի № 24 միջնակարգ դպրոցը: 1974 թ. բնդունվել է հոգևոր ճեմարան:

Աղասի սրկ. Բաբուջյան.—Ծնվել է 1957 թ. Ախուրյանի շրջանի Սարխար գյու-

ղում: Ավարտել է Զվարթնոցի միջնակարգ դպրոցի 6-րդ դասարանը: 1969 թ. բնդունվել է հոգևոր ճեմարան:

Գերենիկ սրկ. Սայան.—Ծնվել է 1954 թ. Հալեպում (Սիրիա): Ավարտել է Բեյրութի Թորգոմյան ազգային վարժարանը և 1969 թ. երկու տարի սովորել Անթիլիասի դրպրեվանքում: 1972 թ. բնդունվել է հոգևոր ճեմարան:

Վան սրկ. Տեր-Մկրտչյան (ազատ ուսանող).—Ծնվել է 1951 թ. Ֆրեզնոյում: 1969 թ. ավարտել է տեղի պետական բուլեջը և 1973 թ. ստացել պատվավորի աստիճան:

1973—74 թթ. Լոս-Անջելոսում հետևել է Կալիֆոռնիայի համալսարանի դասընթացներին և պատմության գծով ստացել գիտական աստիճան: 10 տարի եղել է անդամ Կալիֆոռնիայի Հայ եկեղեցու երիտասարդաց կազմակերպության: 1974 թ. բնդունվել է հոգևոր ճեմարան՝ որպես ազատ ուսանող:

Ռուբեն սրկ. Սաղոյան (ազատ ուսանող, որպես բահանայացու).—Ծնվել է 1949 թ. Ախալցխայի Ծողրուք գյուղում: Ավարտել է տեղի միջնակարգ դպրոցը: 1965—68 թթ. սովորել է հոգևոր ճեմարանում:

